

Schwarz-Schilling: Političari BiH bi se trebali usredsrediti na praktičnu politiku



Bosna i Hercegovina će biti bolje mjesto kada se njeni političari usredsrede na praktičnu politiku, piše visoki predstavnik i specijalni predstavnik EU, Christian Schwarz-Schilling, u članku koji je danas objavljen u *Euroblicu* povodom dana Evrope.

“Danas, kada se obilježava 57. godišnjica Šumanove deklaracije kojom je pokrenut proces koji je kulminirao stvaranjem Evropske unije, vrijedilo bi razmotriti kako su osnivači Evropske unije tako veliku ideju pretvorili u stvarnost”, piše Schwarz-Schilling, navodeći da su bili izuzetno praktični.

“Najprije su pažnju posvetili zajedničkoj proizvodnji uglja i čelika”, nastalja visoki predstavnik i specijalni predstavnik EU. “Odlučili su da spriječe novi evropski rat, ali cilj politika koje su provodili u suštini je bio da građanima omoguće konkretne beneficije što je prije moguće – a 1950. godine građanima Zapadne Evrope je očajnički bilo potrebno poboljšanje uslova života koji su bili jednako teški kao uslovi u Bosni i Hercegovini danas”.

U članku objavljenom u najprodavanijem listu u Republici Srpskoj, Schwarz-Schilling sugerira stavljanje akcenta na racionalno organizovane institucije, bolje koordinirano planiranje i upravljanje resursima, jedinstven ekonomski prostor, poboljšanje poslovnog okruženja u zemlji te ozbiljan i održiv proces otvaranja novih radnih mesta.

“Taj pristup je donio uspjeh Evropi i donijeće uspjeh Bosni i

Hercegovini, i to je upravo ono što je potrebno da Bosna i Hercegovina, umjesto zemlje koja teži članstvu u EU, konačno i postane članica Evropske unije”, zaključio je on.

Tekst članka je dostupan na adresama <https://www.ohr.int/> i <http://www.eusrbih.org/>.